

錦繡萬花谷

十四





錦繡萬花谷卷之十四

縣宰

三老嗇夫



漢制縣萬戶以上為令減萬戶為長皆有丞尉大率十里一亭亭有一長十亭一鄉鄉有三老嗇夫游徼三老掌教化嗇夫職詞訟收賦稅游徼循盜賊百官表

縣道

縣有蠻夷曰道 百官表

墨綬銅章

並見六帖

象雷

雷震百里縣令象之 同上

陽鱈魚

宓子賤為單父宰陽晝曰有釣道二焉請以送子落餌投綸迎餌而吸之者陽鱈魚也肉薄而不美若存若亡若食若不食者魴魚也肉厚而味美子賤曰善未至單父冠蓋交接於道子賤曰驅之此陽晝之所謂陽鱈魚者至單父於是請耆老尊賢者與之共治 談苑

繭絲保鄣

趙簡子使尹鐸為晉陽將行請曰為繭絲乎抑為

保鄆乎簡子曰保鄆哉尹鐸至則損其戶數人賦  
優而稅入少簡子謂襄子曰晉國有難無以晉陽  
為速必以歸之所謂保鄆也爾絲謂減其稅

國語

### 製錦

鄭子皮欲使尹何為邑子產曰不可猶未能操刀  
而使割其傷實多子有美錦不使人學製焉大官  
大邑身之所庇也而使學者製焉其為美錦不亦  
多乎學而後入政未聞以政學者也

左傳十九

### 黃紬被

世傳太祖皇帝謂一縣令曰切勿於黃紬被裏放  
衙後文潞為榆次縣令嘗題縣鼓樓曰置向樵樓  
一任撾撾多撾少不知他如今幸有黃紬被拏出  
頭來放早衙

東坡詩注

### 三異

後魯恭為中牟令隨椽行阡陌見桑下雉雛馴擾  
傍有童子曰何不捕之童子曰雉方雛不忍捕椽  
曰蝗不入境一異也化及鳥獸二異也童子有仁  
心三異也

本傳

### 三善

子路治蒲三年孔子入其境曰善哉由乎忠信以寬坐其庭曰善哉  
信入其邑曰善哉由乎忠信以寬坐其庭曰善哉  
由乎明察以斷子貢問孔子子曰吾見其田疇盡

易章彙盡闢此其恭敬以信故民盡力入其邑墻  
屋甚固樹木甚茂此忠信以寬故民不偷至其庭  
清閑諸下用命此明察以斷故其政不擾以此觀  
之但三稱善庸能盡乎職官分紀

### 歌于為于

唐元德秀為魯山令時玄宗在東都醮五鳳樓下  
令三百里縣令刺史各以聲樂集德秀惟樂工數  
十人聯袂歌于為于于為于者德秀所為歌也帝  
嘆曰賢人之言哉本傳

### 著諭象書

唐馮伉為醴泉令多囂猾伉為著諭象書十四篇

教之務農進學本傳

### 破雞

傅琰為山陰令有野父爭雞琰問各何以食雞一  
云粟一云豆乃破雞得粟而罪言食豆者人稱神  
明

### 呪虎

後童恢為不其令民嘗為虎所害獲二虎恢呪虎  
曰王法殺人者死汝若是殺人者當垂頭服罪自  
知非者當號呼稱冤一虎低頭閉目即殺之其一  
視恢鳴吼自奮遂放失之循吏傳

### 辨婦殺夫

吳錄張舉爲令有婦殺夫因焚屋言燒死其弟訟之舉尸開口視其灰令人取狗二頭生一殺一而俱焚之開視其口殺者無灰生者有灰乃明夫生死婦遂服

### 縛牛主

張元濟爲武陽令與元武縣鄰元武人有以牯牛依其妻家八九年牛孳產十餘頭及將異居妻家不與縣累政不能決其人詣武陽質於元濟元濟令縛牛主象其頭將詣妻家村中云捕盜牛賊召村中牛悉集各問其所從來妻家不知其故恐連及指其訴牛曰此是女婿家牛也元濟發蒙頭謂之曰此即女婿可以牛歸之妻家服罪元武縣聞之大慙

### 王元規十奇

嘉祐中京西轉運司奏據河清縣僧道進士舉留知縣王元規再任本司體量得本官軍民歌咏有十奇一奇民吏不識知縣兒二奇塌却曹司舊肚皮三奇買物價例不相虧四奇處事明白盡無私五奇街裏不見凶頑兒六奇蝗蟲不入境內飛七奇不敢睹錢怕官知八奇不義不孝不敢爲九奇鄉村不被公人欺十奇百姓納稅不勾追上令審官院記姓名

分紀

治縣譜

傅琰并父僧祐並為山陰令父子並著奇績世云  
諸傳有治縣譜 齊書

諫獻龍眼荔枝

後漢和帝時唐雉為臨武長縣接南海獻龍眼荔枝  
枝十里一鋪五里一城奔騰險阻死者繼路雉上  
書諫帝下詔遠國玆羞本以奉宗廟苟有傷害豈  
愛民之本敕勿獻

夜灌楚亭瓜

梁大夫有宋就為邊縣令與楚鄰界梁楚亭皆種  
瓜梁亭力灌其瓜美楚瓜惡楚令惡其瓜之惡慕

梁亭之賢已因夜往竊梁瓜梁亭覺之因請其尉  
亦欲往搔楚瓜宋就曰惡是結怨分禍之道也令  
人竊往灌楚瓜楚瓜日以美楚亭察之乃梁亭之  
遺也楚令聞之大悅具以聞楚王悅梁之遜已也  
乃謝以重幣而交梁王故梁楚之歡自就始 賈誼  
新書

縣妖破膽

唐李杲遷洛陽令民吏畏服時有夜聞衢中有人  
語曰李令古今正人也行事威猛令人破膽此中  
不可久居聞者啓門視之寂無影響方知其妖也  
聞者李兼遂書其壁曰猾吏畏服縣妖破膽好錄  
政聲聞于御覽 撫遺



太公為灌壇令

呂望為灌壇令文王夢見婦人當道哭問其故曰  
吾是太山神女嫁為西海婦灌壇令當吾道夢覺  
召太公三日果疾風暴雨文王乃拜太公為大師  
焉博物志

卧虎

董宣為洛陽令搏擊豪強京兆號卧虎分紀

探赤白丸

尹賞為長安令長安中閭里少年受財報仇相與  
探丸為彈得赤丸者斫武吏得墨丸者斫文吏白  
丸者主治喪城中薄暮塵起勦劫死傷橫道賞至  
穿地數丈名虎穴雜舉輕薄少年惡子悉記之分  
捕納虎穴中賞傳

鐵舡渡海

九國志賈郁為仙游令受代有一吏酣郁怒曰吾  
當再典此邑以懲汝輩吏揚言曰公欲再作令猶  
造鐵舡渡海是歲王氏延鈞建號授郁舊邑時醉  
吏為庫史不數月盜官錢數萬郁批牘尾曰竊銅  
鏹以潤家非因鼓鑄造鐵舡而渡海不假爐鋸決  
杖徒之分紀

吏惡其明察

太常博士陳詒知祥符縣縣惡其明察欲中以事

而詰廉事不可得乃欲以奇動京師自錄事以下皆逃去京師果喧言詰政苛暴是時明肅太后聽政欲加罰陳堯佐為樞密副使力爭之以謂罪詰則奸人得計而沮能吏詰由是獲免

陳神道碑

### 罪言秋霖無損

大曆中秋霖害稼京兆尹奏多損田韓滉執奏不實渭南令劉藻附滉言所部無損代宗覽奏以謂水旱咸均不宜渭南獨免命御史再檢渭南損田三千餘頃上謂御史曰縣令職在字人不損猶宜稱損損而不聞豈有恤人之意耶乃貶藻

分紀

### 帝不當擇令

柳渾為相帝常擇令宰畿邑而政有狀召宰相語皆賀柳渾獨不賀曰此特京兆尹職耳陛下當擇臣等臣當選京兆尹尹當求令親細事代尹擇令非陛下所宜

職官分紀

### 戴星出入

宓子賤為單父宰彈琴不下堂而單父治巫馬期為單父戴星出戴星入單父亦治宓子曰彼任力我任人任力者勞任人者逸

韓詩外傳

### 身挽舟

唐何易于為益昌令州刺史崔朴嘗乘春與賓客泛舟出益昌傍索民挽繹易于身引舟朴驚問狀

易子曰方春百姓耕且蠶惟令不事可任其勞朴  
愧疾驅去易于傳

### 南金口明府手

唐張巡爲直源令士多豪猾大吏華南金植威恣  
肆邑中語曰南金口明府手巡下車以法誅之莫  
不改行本傳

### 以瘠馬人應詔

夏英公知安陸受敕舉幕職有節推王公糶食弊  
求一馬瘦瘠僅能移步自貳車以下乞以斯人應  
詔夏亦自知之遂改官宰邑

### 王荆公知鄞縣

王荆公知明州鄞縣讀書爲文章二日一治縣事  
起堤堰大坡塘貸穀于民立息以償新陳相易興  
學校嚴保伍邑人便之故爲執政所行之法皆本  
於此言行錄

### 朱出墨入

後周蘇綽始制文案程式朱出墨入及計帳戶籍  
之法雜詔集

### 詩

清風動百里惠化聞京師流人若雲歸耕種滿郊  
岐山光淨隴麥日色明桑枝訟息但長嘯賓來或  
解頤范宰不買名絃歌對前楹爲邦默自化日覺

冰壺清百里雞犬淨千廬機杼鳴太白河堤遶綠  
水桑柘連青雲繰絲鳴機杼百里聲相聞東坡翟

表郎官瑞鳧看令宰仙單父長多暇河陽實少年

杜甫桃 雖無言春風滿城花陵波青青麥煙雨

潤桑麻白頭晏來起襁褓聲嘔啞山谷吾愛崔秋

浦死然陶令風門前五楊柳井上三梧桐山鳥下

廳裏簷花落酒中 河陽花作縣秋浦王為入地

遂名賢好風隨惠化春李白籬邊菊秀先生醉桑

下鷄嬌稚子仁晏元獻風清竹閣留僧宿雨濕莎

庭放吏衙廖凝廢土有人耕不畏古廳無訟醉何

妨熊皎鳴夷江上畚田稔牛斗星邊貫索空周啟

明 踈簾衙退卷花軸曲檻客來憇竹風杜甫琴彈

終日得古調印鎖經秋帶蘚痕李拱印文生綠經

旬合硯匣留塵盡日封林逋壺觴調笑平民訟賓

客風流醉舞腰山谷雨後有人耕綠野月明無犬

吠花村 犬眠花影地牛牧雨聲坡李拱縣古槐

根出官清馬骨高 里門喧誦讀村落罷追胥韓

駒父今日潘懷縣同時陸浚儀老杜見客但傾酒

為官不愛錢李白硯貯寒泉碧庭堆敗葉紅高元

矩 三年清似水六月冷如冰裴說摩手撫鰥寡藁

砧礫強梁山谷憂民如有病見客似無官魏野

縣丞

真清

陸景倩為扶溝丞按察使覆州縣殿最必欲得實有吏言狀曰某強清某詐清景倩曰真清

唐史

病聾

黃霸為潁川守許丞老病聾督郵白逐之霸曰許丞廉吏雖老尚能拜跪迎送止頗重聽何傷且善助之或問其故霸曰數易長吏公私費耗所易吏未必賢益為亂凡治道去泰甚者耳

本傳

涉筆唯謹

吏抱成案詣丞卷其前鉗以左手右手摘紙尾鴈驚行以進平立睨丞曰當署丞涉筆占位署唯謹

韓藍田記

不負

崔斯立為藍田丞始至喟然曰丞哉丞哉余不負丞而丞負余則盡去其牙角一躡故迹

老槐巨竹二松

庭有兩槐四行南墻巨竹千鋌儼立若相持水澆澆循除鳴斯立痛掃澆對樹二松日吟哦其間

同上  
苦海道

事見尉門

六安丞

桓譚數言事忤旨出為六安丞忽忽不樂道病卒

本傳

# 縣尉

## 復置縣尉

五代之季武臣擅州縣之權遂罷縣尉遣小將卒長受之頗為鄉社之患太祖欲復舊制御講武殿召三銓選人有樂尉者面東南立選人多不欲往往西立帝曰迂儒如此令杖驅出是後樂為者眾乃復舊制 見聞錄

## 梅仙

西漢梅福為南昌尉上疏言事不用遂學仙隱為吳門市卒不知所終號神仙尉

谷十四

## 人道

畿尉有六道入御史為佛道入評事為仙道入京尉為人道入畿丞為苦海道入縣令為畜生道入判官為餓鬼道 御史臺記

## 香尉

漢雍仲進南海香拜洛陽尉人號曰香尉 述異記

## 惠出一尉

唐負半千為武陟尉歲旱勸令發粟賑民不從令謁州半千悉發之下賴以濟刺史大怒囚半千會薛元超持節渡河責太守曰君有民不能恤使惠出一尉尚何罪耶命釋之 本傳

動手回身

語林商則任廩丘尉性廉縣令丞多貪因宴會舞令丞舞皆動手尉則回身而已令問其故則曰長官動手贊府亦動手惟有一箇更動手百姓何容活耶人皆大笑嘲曰令丞俱動手縣尉止回身

投金瀨

吳越春秋伍子胥伐楚還漂陽瀨水上欲酌初時自殺婦人以百金不知其家投金瀨水中而去唐孟郊爲漂陽尉往瀨水旁徘徊賦詩曹務多廢令白府以假尉代之分其半俸

郊傳

射鴨堂

坡題縣尉水亭云已作觀魚檻仍開射鴨堂

注孟

鴻鴻雙立灘頭

坡詩注

唐河南伊閭縣前有大溪每僚佐有入臺省即水中先有小灘出石礫金沙澄澈可愛牛僧孺爲尉一日忽報灘出昱日邑宰與同僚列筵亭上觀之有老吏云此分司御史非西臺之命若是西臺灘上當有雙鴻鴻立前後如此爲驗僧孺揣縣僚無出于己因舉盃曰既能有灘何惜一雙鴻鴻宴未竟俄有雙鴻鴻飛下不旬日詔拜西臺監察御史

明公坐

蘇珣授鄆縣尉長史李義琰召謂曰鄆縣本多訴近日遂絕訪聞果由明公為踈理因循指廳事曰此即明公坐也本傳

春蘭秋菊

唐裴子餘補鄆縣尉同列李朝隱皆以文法著子餘獨以詞學知名或問雍州長史陳崇業子餘朝隱優劣對曰春蘭秋菊俱不可廢職林

五色棒

曹操為洛陽北部尉造五色棒縣門左右三國魏志注

母縫衣

孟郊為漂陽尉有游子吟曰慈母手中線游子身上衣臨行密密縫意恐遲遲歸郊集坡詩縫衣送

與漂陽尉

陳牒藏竒筆

唐張旭為常熟尉有老人陳牒宿昔又來旭怒其繁責之老人曰觀公筆竒妙欲以藏家耳李白傳

與陳尉真書廓落

王方平既降蔡經家有陳尉者詣門乞見方平使行前向日而立方平從後觀之曰君心邪不正未可教以仙道當授君地上主者以一符與陳尉言此不能度世止能存君本壽出百歲向上可以讓



灾治病陳尉果一百十歲死自方平去後數十年  
經復歸家遠有書與陳尉真書廓落大而工陳  
尉家世世存之以爲寶神仙傳

### 主簿

無如楊主簿

唐楊於陵爲勾容主簿韓滉節度金陵擇婿謂其  
妻曰閨人多矣無如楊主簿以女妻之職林

徙舍祭竈

漢孫寶以明經爲御史大夫張忠辟寶爲屬欲令  
授子經更爲除舍設備峙孫寶自劾去忠心內不  
平後署寶主簿寶徙入舍祭竈請比鄰甚悅忠怪  
之使所親問寶何前後不相副耶寶曰士安得獨  
自高前日君男欲學文移寶自近禮有來學不聞  
往教道不可誑身誑何傷且不遭者何無不爲况  
主簿乎忠聞之大慙寶傳

鸞鳳枳棘

漢仇覽爲縣主簿宰謂曰枳棘非鸞鳳所棲他時  
論道巖廊非主簿而誰本傳

昂昂千里之駒

帝元將爲郡主簿揚處稱曰帝主簿有長成之風  
昂昂千里之駒三輔決錄

揮白羽

本朝謝文本書生善用兵嘗爲西涼州主簿坡有詩云聖朝若用西涼簿白羽尤能效一揮烏臺詩話

### 彈箏歌秋風

謝景仁爲豫州主簿在亘元閣下元聞其善彈箏呼之既至取箏與彈因歌秋風意氣殊適以此大奇之職官分紀

### 入鐵主簿

三國典略齊許惇性識敏速達於從政嘗爲司徒主簿以能判時人號曰入鐵主簿分紀

### 十錢主簿

元慶性貪鄙爲太尉主簿事無大小得物然後判或十錢二十取之時號十錢主簿分紀

### 不如一詣習主簿

習鑿齒爲亘溫主簿溫有大志值有知天文者至溫問國家祚運荅云方永溫不悅異日送絹一匹錢五千星人馳詣習問其故曰乞爲標碣棺木習問其故曰賜絹一匹令僕自裁錢五千以置棺耳習曰君幾誤死以絹戲君以錢供道中資是聽君去耳其人大喜詣溫請別告以習言溫笑曰習憂君誤死君豈誤活然徒二十年看儒書不如一詣

習主簿

習傳

### 總官制

生善用兵嘗為西涼州主簿坡有  
萬花谷別集  
西涼簿白羽尤能效一揮烏臺詩話

欠卷廿四之廿  
秋風

主簿在亘元閣下元聞其善彈箏

與彈因歌秋風意氣殊適以此大

奇之職官分紀

### 入鐵主簿

三國典略齊許惇性識敏速達於從政嘗為司徒  
主簿以能判時人號曰入鐵主簿分紀

### 十錢主簿

元慶性貪鄙為太尉主簿事無大小得物然後判  
或十錢二十取之時號十錢主簿分紀

### 不如一詣習主簿

習鑿齒為亘温主簿温有大志值有知天文者至  
温問國家祚運荅云方永温不悅異日送絹一匹  
錢五千星人馳詣習問其故曰乞為標碣棺木習  
問其故曰賜絹一匹令僕自裁錢五千以置棺耳  
習曰君幾誤死以絹戲君以錢供道中資是聽君  
去耳其人大喜詣温請別告以習言温笑曰習憂  
君誤死君豈誤活然徒二十年看儒書不如一詣  
習主簿習傳

### 總官制

省寺

揚收曰漢制總羣官而合聽曰省分務而專治曰寺

臺監府衛

唐官制大抵沿隋其官司之別曰省曰臺曰寺曰監曰衛曰府各統其屬以分職定位官志

予告賜告

李裴曰告者休謁之名吉曰告凶曰寧孟康曰古者名吏休假曰告告又音響漢律吏二千石有予告有賜告予告者在官有功最法所當得之賜告者病之日當免天子優賜其告使得帶印綬歸家治病至成帝時賜告不得歸家師古曰告或謂之謝謝亦告也當依本字讀之高帝紀注

服青紫

唐以前品官舊服止黃紫馬周建言三品服紫四品五品朱六品七品綠八品九品青馬周傳

漢秩祿制

漢三公號萬石其俸月各三百五十斛穀中二千石者百八十斛二千石者百二十斛千石者九十斛六百石者七十斛四百石者五十斛三百石者四十斛二百石者三十斛百石者十六斛百官志

芒種節為斷

先是宋郡國田祿以芒種爲斷此前去官者一年秩祿皆入後人此後去官者一年秩祿皆入前人自元嘉末始改計月錢祿分紀

### 倮直豹直

李洛公資暇集云新官併宿本署曰倮直又作豹字言豹性潔善服氣雖雪霜兩霧伏而不出慮汚其身則宿公署是豹伏之義宜作豹字余觀宋景文公詩乃用倮字又職林云凡兩直之法自給舍丞郎入者三直無倮自起居郎官入者五直一倮御史補闕入者七直兩倮其餘雜入者十直三倮亦皆用倮字玉篇倮字書注云連直也青箱記

### 豁宿

本朝館閣每夜輪一人直宿如有故不宿則虛其夜謂之豁宿豁宿不得過五日即須入宿若遇豁宿不到於宿曆書腹肚不安故相傳爲害肚曆筆談

### 山郎

漢郎官故事令郎出錢市財用給文書廼得出名曰山郎移病盡一日輒償一沐注言出財用者雖非休沐常得在外而貧者以實病却以沐償之或至歲餘不得沐其豪富郎者出遊戲貨賂流行揚暉爲郎中將乃罷山郎惲傳

### 檢校兼守

唐太宗時已有負外置其後又有特置同正負至於檢校兼守判知之類皆非本制又有因事而置事已則罷其名繁多 百官志

### 守行

凡注官官卑而擬高曰守高而擬卑曰行

### 常參官

謂五品以上及兩省職事官八品以上供奉官負外郎監察御史太常博士也

### 供奉官

謂侍中中書令左右散騎常侍黃門中書侍郎諫議大夫給事中中書舍人起居舍人御史大夫中

### 丞侍御史

### 清望官

謂內外三品以上官及中書黃門侍郎尚書左右丞諸司侍郎太常少卿秘書少監太子詹事左右庶子國子司業

### 七司

校試銓試在吏部禮部兵部考功都省御史臺中書門下侍郎謂前行前行要自爲七司 職官分紀

### 三衙

舊制侍衛親軍以殿前分爲兩司不置馬步軍都指揮使後侍衛一司自分爲二故與殿前司列爲

三衙 歸田錄

### 直院

唐制官序未至而以他官攝者為直官許敬宗為直記室是也國朝學士舍人皆置直院但以資淺為之其實正官也 沈括筆談

### 銀臺司

國朝會要云銀臺司掌受天下奏狀淳化四年置知銀臺通進司

### 開黃閣設內屏

太尉司徒司空是為三公府三門當中開黃閣設內屏 隋百官志

### 家廟

古者大夫自考而下立三廟適士自考而下立二廟北齊二品以上祀五代五品以上祀三代七品以上祭二代唐天寶制三品以上乃許立廟 沈括

筆談

又唐令二品以上祀四廟有銘封者祀五廟五品以上祀三廟李泌將建家廟上許立五室但祀四廟空始祖之室以待鄴侯 家傳

### 三品得謚

唐制兼三品得謚國初已來正三品方得謚其他兼贈則不得謚并三品方許立家廟 筆談

### 官誥縹軸

后妃銷金雲龍羅紙十七張銷金縹袋寶裝軸紅  
絲網金帟格公三金大鳳羅紙十七張銷金縹  
袋玳瑁軸紅絲並銀帟格脩儀婉容才人貴  
人美人鳳羅紙七張玳瑁軸紅絲網塗金銀帟格  
國夫人銷金團窠五羅紙七張暈錦縹袋郡縣君  
太君並銷金羅紙七張餘命婦紫羅七張

### 賜笏頭帶

毳路金帶俗謂之笏頭帶非二府文臣不得賜武  
臣得賜出於特恩爾東齋記事又太宗製笏頭帶以賜  
輔臣罷尚服之張文節自中丞而參政姜侍郎自  
諫議而樞密並賜笏頭帶春明退朝錄又元豐初王拱

辰出判北京特賜笏頭毳路金帶佩魚如兩府之  
制拱辰以表謝曰橫金三紀未佩隨身之魚賜帶  
萬釘改觀在廷之日蓋舊制見任兩府許笏頭毳  
路金帶佩魚前任非得旨不許尚書翰林學士則  
御仙花金帶上佩魚者元豐舊制也唯方團勝帶  
乃可佩魚毳路帶方團勝也故曰近制邵氏聞見錄

### 常侍右貂

璫以金爲之當冠前附以金蟬也中常侍漢興用  
士人銀璫左貂光武以後專任官者右貂金璫宋  
穆傳又正觀初復置散騎常侍分左右皆戴蟬珥  
貂左散騎與侍中爲左貂右散騎與中書令爲右



貂謂之八貂掌規過失

唐官志

侍中冠鷄鶡傳粉

惠帝時侍中皆冠鷄鶡傳脂粉

分紀

侍中戴蟬珥貂

王粲為侍中曹植贈詩曰戴蟬珥貂朱衣皓帶入

侍帷幄出擁華蓋

分紀

貂廳映首

北齊邢子才代讓侍中表云貂廳映首日月在躬

冠蓋庶僚跨躡多士廳音戶昆切

分紀

貂璫插右

魏文帝置散騎掌規諫不典事貂璫插右而散從

司徒府與蒼龍闕對

蔡質漢儀曰司徒府與蒼龍闕對壓於尊者不敢

號府

分紀

中書令讀冊

故事冊拜三公中書令讀冊侍中奉禮如闕即以

宰相攝之

分紀

學士加大

進賢記注上欲以張說為大學士薛曰學士無大

稱中宗欲以崇寵大臣乃有大學士之名如臣末

學敢以大臣為稱從之

分紀

爵九等

一曰王食邑萬戶二曰嗣王郡王食邑五千戶三曰國公食邑三千戶四曰開國郡公食邑二千戶五曰開國縣公食邑千五百戶六曰開國縣侯食邑千戶七曰開國縣伯食邑七百戶八曰開國縣子食邑五百戶九曰開國縣男食邑三百戶

唐官志

### 勳官十二轉

上柱國柱國上護軍護軍上輕車都尉輕車都尉上騎都尉騎都尉驍都尉飛騎尉雲騎尉武騎尉

唐官志

### 九參官

武官三品以上三日一朝號九參官

唐官志

### 六參官

五品以上及折衝當番五日一朝號六參官

唐官志

### 貴階

白居易行馮宿制云凡品秩之制有九自五品以上謂之貴階所以為貴者蔭及子命及妻腰白金服赤菲

分紀

### 登聞檢院

雍熙元年改匭院為登聞院東延恩匭為崇仁檢南招諫匭為思諫檢西申寃匭為申明檢北通玄匭為招賢檢

國朝事實

### 節度使

辭日賜雙旌雙節行則建節柱六纛入境州縣築節樓迎以鼓角衙仗居前旌幢居中大將鳴珂金鉦鼓角居後州縣賫印迎于道左

分紀

洗印

節度使視事三日洗印視其刑缺

分紀

掌武

太尉由唐以來上公為重李光弼自司空為太尉郭子儀自司徒為太尉李德裕自司徒為太尉皆以上公寵侍宗臣餘雖有功掌武之尊不可得也

春明退朝錄

使相

五十四

國朝之制凡以檢校官兼中書令侍中同平章事皆謂之使相唐制皆署敕五代以來不預政事朝會與親王則分班餘官則綴班本官凡宣制除授者敕尾有其銜而不署側書使字

事實

玉帶為朝儀

熙寧八年四月岐王顥嘉王頊言蒙遣中使賜臣方團玉帶各一條准閣門告著為朝儀臣等乞寶藏于家不敢服用上命工琢玉帶以賜二王二王固辭不聽請加佩金魚以別嫌詔并以玉魚賜之玉帶為朝儀始於此

揮麈錄

周官

六萬三千六百七十五員內二千六百四十二人  
外諸侯國官六萬一千三十二人分紀

漢官

自丞相至佐史十三萬二百八十五員

後漢官

七千五百六十七員

晉官

六千八百二十六員

隋官

一萬二千五百六十七員

唐官

一萬八千八百五員內二千六百二十外郡縣一  
萬六千二百八十五員分紀

本朝官

景德官一萬餘員皇祐二萬餘員幕職州縣官三  
千三百餘員摠二萬四千餘員南豐集

三班官

國初以來供奉官左右班殿直為三班立都知行  
首以領之又有殿前承旨班院端拱以後分東西  
供奉又置左右侍禁及承旨初三班吏員止於三  
百至天禧間乃總四千三百至于熙寧間乃摠一  
萬一千六百九十宗室又八百七十南豐集

本朝官制

寄祿官

開府儀同三司

從一品文  
與武同

特進

從一品

金紫光祿大夫

正二品

銀青光祿大夫

從二品

光祿大夫

從二品

宣奉大夫

正三品

正奉大夫

正三品

正議大夫

從三品

通奉大夫

從三品

通議大夫

正四品

太中大夫

從四品

以上係侍從

中奉大夫

正五品

正奉大夫

從五品

中散大夫

從五品

朝議大夫

正六品

奉直大夫

正六品

以上係卿監

朝請大夫

從六品

朝散大夫

從六品

朝奉大夫

從六品

以上係正郎

朝請郎

正七品

朝散郎

正七品

朝奉郎

正七品

以上係真郎

承議郎

從七品

奉議郎

正八品

通直郎

以上係陞朝官

宣教郎

從八品

宣義郎

從八品

承事郎

正九品

承奉郎

正九品

承務郎

正九品

以上係京官

承直郎

從八品

儒林郎

從八品

文林郎

從八品

從事郎

從八品

以上係職官

從政郎

從八品

迪功郎

從九品

以上係令錄

武官散階

節度使

承宣使

觀察使

防禦使

團練使

諸州刺史

橫行

通侍大夫

正侍大夫

宣政大夫

履正大夫

協忠大夫

中侍大夫

中亮大夫

中衛大夫

翊衛大夫

親衛大夫

拱衛大夫

左武大夫

右武大夫

正侍大夫

宣政郎

履正郎

協忠郎

中侍郎

中亮郎

中衛郎

翊衛郎

左武郎

右武郎

正使

武功大夫

武德大夫

武顯大夫

武節大夫

武畧大夫

武經大夫

武義大夫

武翼大夫

副使

武功郎

武德郎

武顯郎

武節郎

武畧郎

武經郎

武義郎

武翼郎

大使臣

訓武郎

修武郎

小使臣

從義郎

秉義郎

忠翊郎

忠訓郎

成忠郎

保義郎

承節郎

承信郎

無品八階

進武校尉

進義校尉

下班祗應

進武副尉

進義副尉

守闕進義副尉

進勇副尉

守闕進勇副尉

文臣職名

觀文殿大李士

觀文殿李士

資政殿大李士

資政殿李士

端明殿李士

以上兩府出帶端明或吏書出帶

龍圖天章寶文顯謨徽猷敷文煥章華文寶謨閣

閣李士樞密直李小龍圖天章寶文顯謨徽猷

敷文煥章華文寶謨閣直李士保和殿待制龍

圖天章寶文顯謨徽猷敷文煥章華文寶謨閣

待制集英殿修撰右文殿修撰秘閣修撰直龍

圖閣直天章閣直寶文閣直顯謨閣直徽猷閣

直敷文閣直祕閣

武臣試換并換官出身

諸訓武郎至進武校尉不曾犯贓私罪及笞刑

經決願換文資者聽召保官二員具家狀連保

狀二本詣登文鼓院投進乞試外任人候替罷

就試文資換出職者准此投授小使臣後未及

三年授進武校尉後未及五年三省樞密院書



令史以下授使臣進武校尉若保甲及試武藝及進納流外出身不用此令

諸武臣試換文資於易書周禮禮記各專一經仍兼論語孟子願試詩賦及依法官條試斷案刑統大義者聽

換官

訓武修武郎

宣教郎

從義郎

宣義郎

秉義郎

承事郎

忠翊郎

承奉郎

保義郎

修職郎

承節承信郎

迪功郎

進武進義校尉

將仕郎

大禮封贈三代

三代

內封贈封換格封贈三代者視文臣

初封

簽善密院事降二等請如父与朝散郎之類

曾祖

朝奉郎

祖朝散郎

父朝請郎

初贈

曾祖太子少保

祖太子少傅

父太子少師

封贈

曾祖母祖母母妻

國夫人

執密院事郡

夫人

每遇大禮封贈二代

太子太師

太子太傅

太子太保

太子少師

太子少傅

太子少保

御史大夫

觀文殿學士

資政保和殿大學士

金紫光祿大夫

左右金吾衛上將軍

左右衛上將軍

銀青光祿大夫

光祿大夫

二代

初封

祖通直郎

父奉議郎

石十甲

三十甲

初贈

祖朝奉郎

父朝散郎

封贈

祖祖母母妻郡夫人

觀文殿學士資政保和殿大學士並淑人

每遇大禮封贈一代

文臣通直郎以上

武臣修武郎以上

一代

初封贈

父文臣承事郎武臣內侍伎術官將校

並忠訓郎

母妻孺人

錦繡萬花谷卷之十四





